

Izjava visokog predstavnika Valentina Inzka nakon sastanka sa predsjednicom Suda BiH i zamjenicom glavnog tužioca BiH

Sud i Tužilaštvo BiH su ključne državne institucije za osiguranje pune vladavine zakona u zemlji.

Također, one su neophodan element za puno vršenje ustavnih nadležnosti države.

Ustavnost Zakona o Sudu BiH, i jurisdikcija ovog suda, osporavani su pred Ustavnim sudom BiH 2001. godine i ponovo 2008. godine.

U oba slučaja Ustavni sud BiH je potvrdio da BiH putem ovog suda ima obavezu da vrši svoje nadležnosti.

Prema tome, svaka inicijativa da se državno pravosuđe ukine predstavlja direktnu prijetnju mogućnosti države da obavlja svoje ustavne nadležnosti.

Zato je moja poruka danas bila poruka podrške ovim pravosudnim institucijama na državnom nivou.

Upućujem poziv svima da otklone pritisak koji se vrši na pravosuđe i da poštuju i podržavaju vladavinu zakona.